

Մ. Քարխուղաուան

ԺՈՂՈՎՐԴԻ ԴԵՐԸ ՄԵՐ ՊԱՏՄԱԿԱՆ ՀՈՒՇԱՐՁԱՆՆԵՐԻ  
ԿԵՐՏՄԱՆ ԳՈՐԾՈՒՄ

Հայաստանի պատմական հուշարձանների ստատուսիմբ. եթև ոչ բացարձակ, ապա իր տարածության համեմատությամբ. հավանաբար առաջին տեղը կգրամի աշխարհում: Այնքան շատ են այդ հուշարձանները և սփռված ամեն քաղաքում, ոտ տասնյակ տարիներով և պետական առատ միջոցներով գործող հատուկ գիտական հիմնարկների մշտական գիտաբանական ղեկավար շնչ կարողացել ավարտել Սովետական Հայաստանի սահմաններում գտնվող այդ կոթողների ցուցակագրությունը:

Հայաստանի յուրաքանչյուր գյուղը իսկապես մի թանկարան է, նրա հանդերի բարբարոտ բլուրները գրեթե միշտ պսակված են հնադարյան կամ միջնադարյան բերդերով, ամրոցներով, բլուրների լանդշեյֆ, հարթությունների վրա սփռված են բնակավայրի ավերակները, դրանց հաջորդում են դամբանադաշտերը. գյուղամիջում բարձրանում են մեկ կամ ավելի հին եկեղեցիներ, ճարտարապետական կոթողներ, V, VII, IX, X—XIII և առնվազն XVII դարերում կառուցված, հաճախ V-ից մինչև XVIII-ի մնացորդներն իրար կողքի ու միասնացված են քաղաքական արվեստի հիանալի կոթույներ— խաչքարեր: Գյուղին կից, առապարների վրա գերեզմանատունն է, որտեղ եւ հիանալի գարկերով խաչքարերն ու կենցաղային բանդակվածներով ծածկված տապանաքարերը իրենց արվեստի ուժով ծառայում են ձեռք մի բուպե համակող մահվան թախտի դեմ:

Գյուղը շրջապատող բլուրակների գագաթները պսակված են մենավոր խաչքարերով, որոնց նետ կապած են ամենագեղեցիկ ավանդություններ. մի տեղ գրանք կանգնած են դժբախտ սիրահարների շիրմի վրա, մի ուրիշ տեղ ժողովրդի համար իր կյանքը զոհած հերոսն է ննջում: Ծամփաների խաչմերուկներում, աղբյուրների գլխին, չրանցքների կողոփին, կամուրջների գլխին կանգնած են խաչքար—հիշատակարաններ այդ շինարարությունները կատարողների հիշատակն ու ժամանակը հավերժացնող հիշատակագրություններով:

Ժողովրդի մեծ մասը այնքան է վարժվել իրանց ներկայությանը, որ, դժբախտաբար, հաճախ չի էլ նկատում. դա հասկանալի հոգեբանություն է, մարդկանց մեծ մասը իր հայրենի բազալի տեսարժան վայրերը տասնյակ տարիների ընթացքում չի տեսնում, բայց օտար քաղաք ընկնելիս անհագորեն որոնում է տեսարժան վայրեր ու թանկարաններ: Երևանի դիմաց բարձրանում է բնության հրաշալիքներից մեկը՝ Արարատը, որը բուսած հարթությունից, թռանում է վեր և իր հավիտենական ճերմակ գագաթով ճեղքում երկնքի լազուրը: Նա մեր բոլորի հայացքի առջև է, միայն պետք է զլուխը վեր բարձրացնել հիանալու համար այդ գերագույն գեղեցկությամբ, բայց նրևանի մի բանի հարյուր հազար բնակիչը բանի՞ տասնյակն է արդյուր օրվա մեջ գլխի այդ թեթև շարժումը կատարում:

Մակայն օտար այցելուները և անսովոր աչքերն անմիջապես նկատում են մեր երկրի պատմական հուշարձանների առատությունն ու ճոխությունը և զարմանում:

Բայց մեզ համար օտար ճամփորդների ու գիտնականների կարծիքից ավելի կարևոր է վերլուծել այդ երևույթի արժաններն ու պատճառները:

Մեր կարծիքով երևի հիմնական պորժոններ են դեր կատարել այդ բազմաճազար պատմական հուշարձանները կերտելու և պահպանելու պորժում:

1. Պատմական Հայաստանի բնակեցված լինելը ամենավաղ դարաշրջաններից.
  2. Մեր պատմական հուշարձանների շինանյութի հիմնականում քարից լինելը և
  3. Հուշարձանների կերտելու սովորության ժողովրդական-մասսայական բնույթը:
- Փորձենք այդ երեք հիմնական գործոնների նշանակությունները պարզել մանրամասնորեն: Երկրաբանությունը և հնագիտությունը հաստատել են, որ Հայաստանում մարզն սկսել է ապրել հենց այն դարաշրջանից, երբ նա գոյություն է ունեցել երկրագնդի վրա երկրաբանորեն

դա զուգահեռաբար է շարժվում կարաչըյանին և Նազիտական տեսակետից՝ պալեոլիթին: Սա ապացույց է արդեն. որ մի քանի հարյուր հազար տարի Հայաստանի հողի վրա ապրել և աշխատել են մարդկային հասարակություններ: Նույն դիտություններն ապացուցել են նաև, որ մարդկային հասարակությունների կյանքը առանց ընդհատումների է ապրել և զարգացել մեր երկրի վրա. թողնելով գետնի երեսին կամ նրա տակ իր ստեղծագործած կուլտուրայի նյութական հետքերն ու մնացորդները, այդ բոլոր երկարատև պատմական կյանքին վերաբերող ապացույցներ հավաքվել և կենտրոնացվել են մեր թանգարաններում:

Թե որքան հարատև և խիտ կերպով է բնակեցված եղել Հայաստանը անհիշատակ ժամանակներից, օրինակ կարող է ծառայել թեկուզ մեր մայրաքաղաքը: Երևանի այժմյան սահմանների վրա հայտնաբերված բազմաթիվ հին, պատահականորեն բացված դամբարաններից բացի կան հինգ բազարատեղիներ ու գյուղատեղեր, զբաղվող նազույնը Երևանի ՅՈՒՆԵՍԿՕ-ի մասում, Զանգի ափին, որի հնությունը հասնում է մինչև 3-րդ հազարամյակը, մեր թվականությունից առաջ. ապա կայարանի դիմացի Մոլայանաթ թափայի վրա եղած շենատեղը, որը վերաբերում է 2-րդ հազարամյակի կեսերին մեր թվ. առաջ. Երրորդը՝ Միծենակաբերդի բերդը շենն է, որը հավանաբար վերաբերում է 1-ին հազարամյակի սկզբներին, այնուհետև Արինբերդի բերդն ու շենն է Թոխմասան գյուղի մոտ, որը շինված է VIII դարում և ապա հանրահայտ կարմիր-բլուրը՝ շինված VII դարում նույնպես մեր թվականությունից առաջ:

Պատմական այդ երկարատև գոյությունը, իհարկե, մեր երկրում պատմական հուշարձանների առատության և շատության առաջին և հիմնական նախադրյալն է. սակայն այդ գործոնը իր նշանակության մեծ մասը կկորցնել, եթե չլինեն երկրորդը, այսինքն, եթե այդ հասարակություններից մնացած նյութական կուլտուրայի մնացորդները լինեին այնպիսի նյութերից, որոնք ժամանակի ընթացքում ենթակա լինեին փթելու և քայքայվելու և իրոք՝ ուրիշ երկրներում, որտեղ մարդը նույնպես ապրում է իր սկզբնավորման օրից շատ քիչ թվով նյութական հուշարձաններ են պահպանվել և այդ հիմնականում այն պատճառով, որ նրանց մեծ մասը, որոշ դարաշրջաններում, շինվել են այնպիսի բայթայվող նյութերից, որոնք համեմատաբար կարճ ժամանակի ընթացքում քայքայվել են, ավերվել:

Այսպես օրինակ, հնագույն այն ժամանակներում, երբ մարդն իր գործիքները շինում էր փայտից, քարից ու ոսկորից, երկրագնդի շատ վայրերում հայտնաբերվել են բազմաթիվ քարե և քիչ քանակությամբ ոսկրե գործիքներ. իսկ փայտե գրեթե չկան, քանի որ վերջիններս փթել են և շեն հասել մեզ:

Այն շրջանում, երբ մարդու տեխնիկական հմտությունը այնքան է կատարելագործվում, որ հնարավորություն է տալիս մարդուն դուրս գալու բնական այրերից և կառուցելու արհեստական բնակարաններ, նա բնականարար յիմում է իր շրջապատում եղած շինարարական նյութերին, այն երկրներում, ուր այդպիսի բնակարանների շինանյութը եղել է փայտը, եղևը և նման նյութեր, զրանք բոլորը ժամանակի ընթացքում փթել, ոչնչացել են և իզուր է նրանց նազույն հետքերը որոնել: Բայց այն վայրերում, ուր բնական միջավայրը եղել է քարաքարտ, մարդը բնականաբար դիմել է այդ կայուն նյութին, նրանից էլ կառուցել բնակարաններ, զբաղվել նրանցով մնացել են մինչև մեր օրերը: Հայաստանը պատկանում է հենց այս վերջին բնական միջավայրին. ամենուր Հայաստանում շինանյութի սուսու ու հիմնական տեսակը հանդիսացել է քարը և այստեղ արդեն մարդկային վաղագույն բնակարաններն արդեն են շինված, զբաղվել մնացորդները պահպանվել են:

Նախնադարյան համայնական հասարակության դարաշրջանում, բրոնզե դարից սկսած. Հայաստանի արդեն նստակյաց ցեղերն ու տոհմերը իրենց գյուղերն ու շեները շինում էին բլուրների թեր լանջերին, դազաթին իրենց բերդը, որի շրջապարիսպները կառուցվում էին ահեղի մեծություն անտաշ քարաբեկորներից: Ցեղերի ու տոհմերի միջև տեղի ունեցող անվերջ ընդհարումների ժամանակ կիկլոսյան այդ բերդերը դառնում էին ամբողջ տոհմի թիվ մարդկանց և թե՛ անասունների ապաստանը, փրկության միակ միջոցը: Վիթխարի քարաբեկորներից շինված այդ շեների և բերդերի հարյուրավոր մնացորդներ ավերակ վիճակում պահպանվել են մինչև մեր օրերը. թե ինչքան խիտ են եղել այդ շեներն իրենց բերդերով, կարելի է դադարաբար կազմել ներկա նոր Բայազետի շրջանի օրինակով: Այս շրջանի գյուղերի թիվը ներկայումս 12 է, բայց VIII դարում մեր թվականությունից առաջ, ուրարտական թագավոր Սարգուրբ գրավելով այդ շրջանը, արձանագրել է, որ այստեղ եղել է 22 բերդ, որոնք բոլորը նվաճել է մեկ օրում: Հնագիտական հետազոտությունները հաստատում են, որ իբրև մինչև օրս էլ այդ 22 շեների և բերդերի ավերակները գոյություն ունեն նոր Բայազետի շրջանում. որն այն ժա

մանակներում կոչվել է Վնիբրուխի Լրկիր. բերդերից ումանց պատենչները կանգուն են մինչև 2 մետր բարձրությամբ, նրանց հաստությունը սովորաբար Լրկու-երևք մետրի շափ է, երկու երևանները շարված մեծամեծ բարաբեկորներից և արանքը լցված մանր քարերով<sup>1</sup>։

Հավանական է, որ պատենչներից մնացած այդ բարև մասերի վրա եղել են ավելի բարձր պատեր անթուրձ աղյուսից, որոնք դարձրել են թափանցիկ և քամու հետևանքով մաշվել, անհետացել են։

Քարի օգտագործման շնորհիվ ու միայն բնակավայրերի մնացորդներն են մեզ հասել, այլև նազույն մարդու գերեզմանները։ Կուտակյաց մարդու մոտ մեռելներին թաղելը սովորություն դարձավ, աստիճանաբար թաղման ձևերը դառնում են բազմազան, թե՛ գետնի տակ և թե՛ գետնի երեսի մասում և այնքան մեծ ու բարդ. որ միայն ամբողջ տոհմի միացյալ ուժերով հնարավոր էր այդ գործը կատարել. գետնի մեջ փորվում էր շատ մեծ փոս— գերեզման, նրա պատերը շարվում էին մեծամեծ բարաբեկորներով՝ ճիշտ իրենց տների նման, ծածկվում 3—4 մետր երկարությամբ ունեցող գերանանման հսկայ բարերով. միայն թողնվում էր մի անցք՝ նեղեցյալներին ներս տանելու համար, մինչև որ ամբողջ գերեզմանը լցվում էր (երբեմն 10—30 նեղեցյալ և ավելի), ապա գերեզմանի վրա հող լցնելով բարձրացվում էր բլրակ. որի շուրջը շարվում էին մեծամեծ քարեր շրջանակի ձևով։

Պարզ է, որ այդպիսի ծանր աշխատանքները կատարվում էին ամբողջ տոհմի ուժերով։ Կարևորը այս դեպքում այն է, որ այն երկրամասերում, ուր քար չկար, ինչպիսին էլ շինված լինեին գերեզմանափոսերը և մանավանդ նրանց արտաքին մասը, ժամանակի ընթացքում անձրևն ու քամին բոլոր պետք է հարթեր, իսկ ավելի ուշ պետք է մոռացվեր այդ վայրի նշանակությունը այն կարող էր հերկվել ու դառնալ ցանքադաշտի մաս։ Հետագայում այդ վայրը զանազան նպատակներով մշակելու հետևանքով, կամ միայն պատահականորեն, կարող են երևան դալ այդպիսի դամբարանները. հենց այդպիսի պատահական ձևով էլ, մեծ մասամբ, նրանք հայտնաբերվում են քարազուրկ Լրկրներում։ Մինչդեռ Հայաստանում այդ գերեզմանները քարաշեն լինելու պատճառով, հազարամյակների ընթացքում մնացել են անվթար. միայն Սովետական Հայաստանի սահմաններում տասնյակ հազար այդպիսի գերեզմաններ կան և դրանցից յուրաքանչյուրը մի փորիկ թանգարան է, բանի որ վաղեմի ժամանակներում սովորություն է եղել նեղեցյալի հետ թաղել նաև նրա զենքերը, զարդերը, կենցաղային իրեր՝ կերակրամաններ, ջրամաններ և այլն։

Երևանյան թաղի յուրացումը Հայաստանում կատարվել է այսպիսով, մարդկությունը կյանքի արշալույսին, և եղել է այդ նպատակով օգտագործվող ամենահիմնական և ամենատարածված նյութը։ Այսպես ուրեմն, մի կողմից՝ շինանյութի համար քարի յուրացումը Հայաստանում կատարվել է մարդկության կյանքի արշալույսին, մյուս կողմից՝ տեխնիկայի գրեթե բացակայության պայմաններում, այդ դժվարին գործը հնարավոր էր իրականացնել միմիայն հասարակության համայնական կարգի և դրա հետևանքով համայնական աշխատանքի շնորհիվ։

Հասարակության տեխնիկայի և տնտեսության զարգացման հետագա վերելքի արդյունքով բայրավեց նախնադարյան համայնական հասարակությունը, բայց նրա ստեղծագործած տեխնիկական և մանավանդ մտածողության շատ երևույթներ շարունակեցին իրենց գոյությունը հետագա հասարակությունների կյանքում։ Եվ այդ միանգամայն բնական է. մարդկային հասարակություններից ամենաերկարատևը եղել է նախնադարյան համայնական հասարակությունը. նրա կյանքի տևողության երկրագնդի հավասարապես բոլոր մասերում հաշվվում է մի քանի հարյուր հազար տարի, մինչդեռ հետագա բոլոր հասարակությունների կյանքի տևողությունը ծիսափն վերցրած՝ միայն մի քանի հազար տարի է (օրինակ՝ Հայաստանում շուրջ երեք հազար)։ Բնական է, որ այդքան նրկարատև հասարակության կյանքի ընթացքում ստեղծված նսկացողությունները, հավատարիքներն ու սնահավաստությունները և հասարակական կյանքի այլ երևույթներ, որոնք մի ու արյուն էին դարձել հարյուր հազարավոր տարիների ընթացքում, չնայած հասարակարգի և գաղափարախոսության հետագա փոփոխություններին՝ դեռ շատ երկար պիտի ապրեին ժողովուրդների մեջ, և իրոք նենց այդպես էլ եղել է։ XX դարի սկզբներին Հայաստանում հավարված ազգագրական նյութերի մեջ նշված են մեծ քանակությամբ մնացուկներ, որոնք գալիս են այդ հնագույն ժամանակներից։

Քննվող հարցի, առնչությամբ այդ բոլորի մեջ կարևորը այն է, որ մինչև քսաներորդ դարը

<sup>1</sup> Ս. Բարխուդարյան, Վնիբրուխի երկիրը—նյութեր շին Հայաստանի պատմության, նառ. 1, Երևան, 1933:

էլ շինարարական բազմաթիվ աշխատանքներ կատարվում էին համայնական ուժերով, կամ ազգ ու բարեկամների ու հարեանների սշակցութեամբ. ինչպես օրինակ՝ տուն շինելու ընթացքում առավել ծանր աշխատանքներին այդպիսի կոլեկտիվ օժանդակություն ցույց տալը, գերաններ բարձրացնելը, ծանր բարձր տեղափոխելն ու տեղադրելը, ննջեցյալներին թաղելիս օգնելը և գերեզմանաքար քաշելը, հասարակական նշանակություն ունեցող կառուցումներին սիրահոժար օժանդակելը՝ օրինակ ձիթհաններ կառուցելուն, առուներ ու ջրանցքներ հանելուն, ճանապարհներ, կամուրջներ և եկեղեցիներ շինելուն համայնքով օգնելը և այլն:

Համայնական հասարակությունից փոխանցված այդ օգտակար սովորությունը Հայաստանի պայմաններում ավելի երկարատև և կենսունակ էր նաև այն պատճառով, որ հիմնական շինանյութը մնում էր դարձյալ քարը, այդ ծանր և դժվար մշակելի նյութը: Անփականատիրական հասարակության պայմաններում ժողովրդի մեծ մասը միայն իր ընտանիքի ուժերով չէր կարող հաղթահարել քարե շինանյութերի դժվարին գործը, այդ պատճառով էլ կոլեկտիվ աշխատակցության սովորությունը պահպանվում էր և իր օգտակար դերը կատարում շատ դեպքերում:

Անդրադառնալով մեր միջնադարյան փայլուն հուշարձանների կերտման գործին, պետք է հենց սկզբից ասենք, որ այստեղ ևս շատ մեծ է եղել կոլեկտիվ աշխատակցությունն ու ժողովրդի մասնակցությունը:

Քրիստոնեությունը Հայաստանում դառնալով պետական կրոն, անխնայ պայքար սկսեց հեթանոս գաղափարախոսության և հավատալիքների դեմ: Ապացուցված է, սակայն, որ այդ պայքարը երկու հիմնական ուղղությամբ էր ընթանում. մի կողմից՝ բռնի կերպով մտցվում էին նոր կրոնի հետ կապված ծիսակատարություններ և սովորություններ, մյուս կողմից՝ անզոր լինելով հաղթահարել հեթանոս կրոնի դարավոր և արմատացած սովորություններն ու հասկացողությունները, դրանց տրվում էր նոր բացատրություն, հաշտեցվում էին դրանք նոր կրոնի հետ և սրբազորվում:

Այս վերջին կարգին էր պատկանում նաև հասարակական նշանակություն ունեցող կրոնական կառուցումներին ժողովրդական մասնակցություն ցույց տալու սովորությունը. այդ բանը ե՛ր օգտակար էր նոր կրոնի համար, և՛ հեշտ, քանի որ խոստացվում էր մասնակիցներին վարձատրություն հանդերձալ աշխարհում, հոգու փրկություն:

Բարեբախտաբար մեր մատենագրության հնագույն հուշարձաններից մեկում՝ Ազաթանգեղոսի պատմության մեջ, պահպանվել է այն երևույթի մասին որոշակի հիշատակություն: Ինչպես հայտնի է՝ առաջին քրիստոնեական շենքերը Հայաստանում հիմնարկվել են Փրիգոր Լուսավորչի ձեռքով. դրանք հռիփսիմյան կույսերի նահատակության վայրում կառուցված վկայարաններն են: Պատմագրի նկարագրության համաձայն Փ. Լուսավորիչը ժողովրդի առաջ իր կրոնի հավատամքը պարզաբանելուց և սերկնային դրախտ խոստանալուց հետո առաջարկում է՝

«Եւ արդ եկայք շինեսցուք զվկայարանսն, փոխել զվկայսս ի հանգիստ, զի և սոքա փոխեսցեն զձեզ ի նորոգութիւնս:»

«Եւ զայս ասացեալ՝ հրամայեաց զի զնիւթ շինուածոյն վաղվազակի պատրաստեսցեն: Եւ ամենայն բազմութեան մարդկանն լուեալ զայն՝ իւրաքանչիւր ընթացան պատրաստել զնիւթսն: Եւ կուտէին ի հրամայեալ տեղիսն ոմն վլմ, ոմն քար, ոմն աղիւս, ոմն զմայր փայտն, պատրաստէին խնդալից փութով և մեծաւ երկիրդիս:»

Եւրոնակության մեջ պատմագիրը ավելացնում է.

«Եւ մէն մի իւրաքանչիւր ամենայն բազմութեանն սատարութիւն ի ձեռն առեալ, ըստ գեղեցկադիր յարմարելոյ հիմնարկին ի կատարումն շինուածոն և կա՛մնեցին: Ամենայն որ ձեռն ի գործ արկեալ, և կանանտոյն անզամ սատարեալ ըստ իւրեանց տկարութեան կանացի ու՛ոյն, և այսպէս առ հասարակ գործէին զգործն հաւատո՛ւր և մեծաւ և կի զԼ, զի մի ոչ ամենեկն անմասն հղեալ ի փրկութենէ շնորհացն, ի ք՛կութիւնն զրկեսցին:»

Միանգամայն պարզ է, որ զեռես հեթանոս ամբոխը, որի առաջ քարոզում էր Փ. Լուսավորիչը, նոր կրոնի մշուշապատ գաղափարներից չէր, որ անմիջապես ոգևորվեց և դժմեց շինարարական գործունեության. նրան մղում էր հեթանոսական դ՛ուս կենդանի տրադիցիան, որ սովոր ու հարազատ էր նրա ներքնաշխարհին. նոր կրոնի հիմնադիրները ճարպկորեն ու խելացի կերպով կարողացան ժողովրդի այդ հին տրադիցիաներին նոր ուղղություն տալ և օգտագործել:

Մեկ որ նոր գաղափարախոսությունը ընդունեց ու սրբազորեց ժողովրդական աշխատակցությունը հասարակական բնույթի կառուցումների մեջ և իր հեղինակավոր հիմնադրի՝ Փ. Լու-

<sup>1</sup> Ազաթանգեղայ, Պատմութիւն Հայոց, էջ 393—394, Տփղիս, 1909:

սավորչի ձեռքով, պարզ է, որ այն պիտի հետագայում ևս օգտագործվեր եկեղեցու կողմից: Եվ իրոք, հայ ժողովրդի մեջ հասարակական և նույնիսկ մասնավոր օգտակար կառուցումների ժամանակ մարդիկ միշտ իրենց սիրահոժար և կարևոր օժանդակությունն են ցուցաբերել, ինչ փույթ, որ այդ հասարակականացն ու օգտակար սովորությունը պարուրվել է «հոգու փրկության», «վարձրի» և նման հասկացողությունների կրոնական շղարշով:

Ժողովրդի այդ օգտակար գործակցության պատկերը ակնառու դարձնելու համար բերենք մի քանի փաստեր. նախ կրոնական շենքերի վերաբերյալ:

Տարածված է մի սխալ պատկերացում, որ իբր այդ տիպի բազմաթիվ և հույակապ ճարտարապետական կառուցվածքները աշխարհիկ և հոգևոր ֆեոդալների ջանքի և նյութական առատ միջոցների արդյունք են. մինչդեռ բազմաթիվ փաստերն ապացուցում են, որ հասարակության լայն խավերին պատկանող շատ մարդիկ, ըստ ամենայնի, իրենց լուծան են մտցրել դրանց կերտման գործի մեջ, տրամադրելով և՛ դրամական միջոցներ, և՛ անձնական օժանդակություն: Մեծամեծ կառուցումներ նախաձեռնող հոգևոր և աշխարհիկ ֆեոդալներն միշտ նկատի են ունեցել հասարակական այդ օժանդակությունը և հենվել են դրա վրա: Բազմաթիվ շինարարական արձանագրությունների մեջ արտահայտված է հասարակական օժանդակության այս երևույթը. շինարարություններին օժանդակող մարդկանց ցանկի՝ թագավորների, թագուհիների և մեծամեծ իշխանների կողքին, արձանագրված են առանձին հարուստ մարդիկ և սովորական քաղաքացիներ ու գյուղացիներ, ավելի մեծ թվով օժանդակողներ. որոնց անունները հակասն հանվանն շեն հիշատակվում, այլ միայն նշվում են ընդհանուր «աշխատավորներ» ձևով: Կան օրինակներ, որոնցից միանգամայն պարզ երևում է, որ շենքի առանձին մասեր շինված են տարբեր անհատների ծախսով և երբեմն նույն շենքի վրա պահպանվել են մի քանի մեկնասանիքի անուններ:

Այսպես, Սանահնի վանքում Ամենավրդիչ եկեղեցուն կից 1181 թվականին շինվում է մի հույակապ գավիթ. շինության հովանավորողներ են Հովհաննես առաջնորդը, ամիր Քուրդ իշխանը և նշանավոր մտավորական Դրիգոր Տուտևորդին, իսկ գավթի ներսի շորս սյունեծից յուրաքանչյուրը շինվել են Կյուրիկե Գ. թագավորի երեք աղջիկների և վերջիններիս մոր՝ Քամարի հորաբույր Ռուսուդանի միջոցներով: Կառուցողական արձանագրությունների մեջ մնացել են այս բոլոր մասնակիցների հիշատակությունները: Որպես օրինակ բերենք սյունեծից մեկի վրա փորագրված արձանագրությունը.

Ըս Բարիհնա, նոյն արքաի  
դուստր, քոյր Մարիամու  
կանգնեցի գսինս գալյա  
և Գիս յիշեցէք ի Քս. 1.

Գանձասարի մոտ Պառավաձոր կոչվող գյուղատեղում գտնվում են երկու կիսավեր եկեղեցիներ, որոնցից մեկի պատի վրայի արձանագրությունը պատմում է շինության հետևյալ պագանները.

:Ո՛ր: յ = 1181/ թուին և իշխանութեան  
Սմպատա ես Բարսեղ երկց ու Սարգիս և այլ  
եղբարքս և Սանասի իրիցո որդիք մեր ժո-  
ղովրդովս շինեցաք զեկեղեցիս և բերաք դջուս...2.

Դիլիջանից երկու-երեք կիլոմետր հեռու գտնվում է Ջուխտակ վանքը, շինված XIII դարի սկզբին, եկեղեցու ներսի խորաններից երկուսը շինվել են տարբեր մարդկանց ծախսով, որոնց հիշատակին և գրվել են համապատասխան արձանագրություններ. այսպես՝ հյուսիսային խորանի մուտքի գլխին գրված է.

Ի թվ : ՈՍՁ : յ = 1207/, ես մայրացեալս  
շինեցի զխորանս ի հալալ արդեանց իմոց և  
առաջնորդք սորա ետուն ի տարումս... ժամ  
տեառներդառաչին. խափանողքն դատին ի տեառնէ.

1 Գ. Ղսֆաղարյան, Սանահնի վանքը և նրա արձանագրությունները, էջ 114, Երևան, 1971

2 Սակար. եպիսկ. Բարխուդարեանց, Արցախ, 180, Բաբու, 1893:

Իսկ հարավային խորանի մուտքի գլխին՝

Յայսմ խորանի : Ա : ժամ ի տանի սուրբ  
Սարգսին՝ Սարգսին արասցեն, զի նորա  
արդեամբբ շինեցավ խորանս, ով զժամս  
խափանէ՝ դատի ի տեառնէ՛ :

Նոր Բայազետի շրջանի Կարմիր (Ղուլալի) գյուղի եկեղեցին ունի հետևյալ շինարարական արձանագրությունը.

«...Շինեցաւ սր. տաճարս թվին ՌՃԻԳ (= 1674).  
ես տանուտէր Գասպարս և րահանայրս և  
ժողովուրդս միաբան շինեցար սուրբ տաճարս...»<sup>2</sup>

Շամախու մոտ (Աղբբեջան) Մեյսարի վանքի շինարարական ընդարձակ արձանագրությունների մեջ (XVII դար) հիշատակվում են բազմաթիվ մարդկանց և կանանց անուններ, որոնք օժանդակել են շենքերի կառուցման գործին, և որպես ամփոփում հիշված են՝

«...Անտոն և Վլաս վարդապետացն, մանավանդ  
սր. ուխտիս աշխատաւորաց, նուէրք և ընծայ բերողացն...»<sup>3</sup>

Մարտունու շրջանի Զորագյուղ գյուղի մոտ է գտնվում Մասրուց անապատ կողմով հին վանքը. XVII դարի սկզբին վանքում կատարվել են մեծ նորոգումներ, այդ առթիվ գրված արձանագրություններից մեկն ունի հետևյալ բովանդակությունը.

Յիշեցէք Քս. զԲարէն, որ սայլն  
շնորհեց վասն քարի կրել[ոյն]...  
թվ. : ՌՄ : (= 1601)<sup>4</sup>

Կրոնական շենքերին վերաբերող նման օրինակներ կարող էինք բնրել տասնյակներով. սակայն բավական համարելով՝ թվենք այլ տիպի հուշարձանների վերաբերյալ հասարակական օժանդակության փաստերը:

Հայանի է, թե միջին դարերում որքան մեծ գեր են կատարել բերդերն ու ամրոցները հայրենի երկրի և ժողովրդի պաշտպանության գործում. բերդաշինարարությունը համարվել է հայրենասիրական գործ և վայելել է ժողովրդի ամենալայն համակրությունը:

Անիի պարիսպների և բրգերի վրա պահպանվել են 22 արձանագրություն, որոնք ունեն շինարարական բովանդակություն. պարզվում է, որ պարիսպների առանձին տեղամասեր և բուրգեր շինվել են տարբեր մարդկանց միջոցով, դրանց մեջ կան ինչպես իշխանների և մեծատունների, նույնպես և սովորական մարդկանց անուններ. հիշատակության արժանի է, որ կանայք էս մեծ մասնակցություն են ցուցաբերել այդ հայրենասիրական գործին. պահպանվել են բրդերի շինությանը նպաստած նաև երեք կանանց անուններ՝ Զազա, Մամախաթուն և Շանուր: Բավականանա՞նք միայն վերջինիս վերաբերող արձանագրությամբ

Ի :ՈԿԸ: Թւին (-1219) շնորհին  
Քրիստոսի ես Մամախաթունս, զուստր  
Խաչերեսին Լառեցո, անժամ ի Քրիստոս  
գնացի: Յիմ հաւրն ի հալալ դրամէն  
որ ինձ տուեալ էր, անյիշատակ էի.  
շինեցի զբուրջնս, յիշատակ ինձ առ  
Քրիստոս: Կրդ ազալեմ, որք կարդայք  
Ենզ թողութիւն խնդրեցէք ի Քրիստոսէն:

<sup>1</sup> Մ. Բարխուդարյան, Արցախ, Բարու, 1905, էջեր՝ 362, 303:

<sup>2</sup> Մմբատեանց, Տեղագիր Գեղարքունի ժողովարդ պալատի, էջ 48, Վազարդապատ, 1895: Դանիսարունեանց, Ստորագրութիւն, Բ., 241:

<sup>3</sup> Չալալեանց, Ստորագրութիւն, Բ. 399—400:

<sup>4</sup> Մեր հուշատետրից:

<sup>5</sup> Առնում ենք ազալ. Ն. Օրբելյու մեղագիր՝ «Անիի արձանագրություններու ժողովածուից. սխալաշատ հրատարակություններ տե՛ս Ն. Սարգսեանց, Տեղագրութիւն, 111 և Ալիշան, Շիրակ, էջ 43:

Բերդաշինարարության ասպարեզում ժողովրդի մասնակցության ավելի ցցուն և սրտառուչ պատկեր է արտահայտված Կարսի բերդի պարիսպների ու բուրգերի վրա պահպանված արձանագրությունների մեջ. ահա դրանցից մեկը.

Ի թվիս :ՈՉԳ: (= 1234)

Նորհին և ողորմութեամբ  
 թագուորին մերո Շուսուդանայ.  
 մեր՝ կարուց բրիստոնայս՝ մեծ  
 և փոքր շինեցաք զբրջներս, յիշա-  
 տակ մեզ և պատրոնին մերոյ:

Պատմական Լևոնյանի գավառում է գտնվում շախատանի հին քնակավայրերից ու միջնադարյան մարդաշատ քաղաքներից մեկը՝ Մանազկերտը. քաղաքն ունեցել է դարաշրջանին հատուկ ամուր բերդապարիսպներ ու բուրգեր. դրանցից մի քանիսի վրա պահպանվել են շինարարական արձանագրություններ, որոնց բովանդակությունից պարզվում է, որ շինվել են տարբեր մարդկանց միջոցներով. ահա դրանցից մեկը.

Ի թվականիս հայոց :ՉՉԳ: (= 1334)

կանգնեցաւ բուրգս ձեռամբ Կիրակոսին,  
 Լևոնուած ողորմի՛:

Միջնադարյան հռչակավոր գիտնական և մտածող Գրիգոր Տաթևացին վախճանվել է 1510 թ. և թաղվել Տաթևի վանքի հարավային սրահում. այդ մեծ մտածողի հիշատակը մնացել է վառ հետագա սերունդների ու ժողովրդի մեջ. դարեր հետո, 1787 թ. Սիսիանի Բռնակոթ գյուղի ժողովրդի միջոցներով նրա գերեզմանի վրա կառուցվում է հուշարձան: Հուշարձանի վրա պահպանված ընդարձակ շինարարական արձանագրության համաձայն այդ գեղեցիկ կոթողի կերտմանն իրենց օժանդակությունն են բերել բռնակոթցի բսան տղամարդ և չորս կանայք, ընդամենը 24 հոգի, որոնց բոլորի անունները գրված են արձանագրության մեջ:

Արձանագրական այս կարգի ուղղակի ցուցումներից բացի, հուշարձանների կերտման գործում հասարակական մասնակցության մասին կարելի է մի երկու ավելի ընդհանուր, բայց կարևոր ցուցումներ ևս ավելացնել:

Դրանք կարճ արձանագրություններ են, որոնք յանդիպում ենք հենց հուշարձանների պատերին. դրանք գրված են լինում կամ առանձնակի, կամ շինարարական բնույթի արձանագրությունների վերջում, որպես ընդհանրացում կամ լրացում. առաջին տեսակից որպես օրինակ հիշատակենք Հառիճավանքի արևելյան պատի չիվի և նորավանքի (Սղեզնաձորի շրջան) Բուրթելաշեն եռահարկ եկեղեցու արևելյան ճակատի նույն ոճով գրված մի տողանի արձանագրությունները, որտեղ մի կարճ նախադասությամբ հիշատակված են բոլոր աշխատավորներն ընդհանրապես.

ՏՐ ԱՆ ԴՂՈՐՍԵԱ ԱՇԽԱՏԱԻՈՐԱՅ

Երկրորդ տիպի արձանագրությունները ավելի մեծ թիվ են կազմում. այսպես՝ Անիի պարիսպների մի հատվածը շինել է Գևորգի որդի Սարգիսը և գրել իր հիշատակարան—արձանագրությունը, որի մեջ մեկենասի ունվան հիշատակությանը շարորդում է հետևյալը.

...Ընդ նմին և զաշխատողքս յիշեցէք...

Բերենք նաև մի րիվ օրինակ Գոշովանքի հուշարձաններից.

Տէր աստուած ողորմեա նաշատուր  
 վարդապետին և Բարսղին, շինողաց  
 հկեղեցույս. և ամենայն աշխատողացն  
 ի սմա. Թուին :ՉԳ: (= 1255):

<sup>1</sup> Ի. Ա. Օսթելու, Армянские надписи на камне. «Христианский Восток», V, II, 1917, նաև Սողոմեան, Տեղագրութիւնք, 101: Ալիշան, Շիրակ, 82:

<sup>2</sup> Սուաւնմտեանց Դ. Վ., Թորոս ազրար, Բ, 278:

<sup>3</sup> Արձանագրությունք տե ս Փափաղեան Թ. Հնութիւնք, Վանորէից Հայոց, է և Կ. Լուսեան, «Աղագորական Հանդէս», 3-րդ, 136:

Այս կարգի հիշատակագրություններն անշուշտ վերաբերում են շինարարության վրա աշխատած բոլոր մարդկանց և վարձով և նամանավանդ, հասարակական օժանդակության կարգով օժանդակողներին, որոնց բոլորի անունները մեկ առ մեկ հիշատակելը քարի վրա գրվող արձանագրության մեջ դժվար էր և տեղն էլ չէր բավականացնի:

Ժողովրդի գեղը մատնանշող մի այլ երևույթ կարելի է համարել նաև հետևյալը. ինչպես հայտնի է մեր հնագույն, VII—XI դարերի հուշարձանների երեսպատման և ձևավոր քարերի վրա կան երկրաչափական գծերից և առանձին տառերով արված նշաններ, որոնք ճարտարապետության պատմության մեջ անվանվում են «վարպետների նշաններ»։ դրանք վարձու վարպետների արած նշաններն են իրենց մշակած քարերի վրա, որպեսզի դրանց թվին համապատասխան վարձատրություն ստանան: Հիմնականում այս եզրակացությունը ճիշտ է, մանավանդ որ նույն նշանները հանդիպում են ժամանակով իրար մոտիկ տարբեր հուշարձանների վրա, որ վկայում է, թե նրանց փորագրողը եղել է հմուտ վարպետ և աշխատել է տարբեր շենքերի կառուցման վրա: Սակայն այդ բոլոր հուշարձանների վրա էլ վարպետների նշանները արված են քարերի ընդհանուր թվի շատ փոքր մասի վրա. հետևաբար հարց է ծագում՝ հապա նշան չունեցող և շատ ավելի մեծ թիվ կազմող քարերը ո՞վ է տաշել և ի՞նչ հաշվով է վարձատրվել: Որպես փաստ մեր ասածներին հիշատակենք Սիսիանի հուշարձանը, որը համարվում է VII դարի շինվածք: Նրա վրա, ըստ մեր դիտումների, վարպետների նշանները ամենաշատն են. այսպես, այդ մեծ հուշարձանի ներսի և դրսի հազարավոր մշակված քարերի վրա մենք հաշվել ենք վարպետների զանազան նշաններ ունեցող ընդամենը 296 քար: Այդ թիվը թերևս կարելի է կրկնապատկել, նկատի ունենալով, որ հատկապես վերի մասի եղածները, կարող էին մեր աչքից վրթվել, մի մասն էլ կորչել՝ հետագա նորոգությունների ժամանակ. այդ լրացումներով կարող ենք ընդունել, որ 500 քար է եղել նշանագրված, հետևաբար վարձատրվել են միայն այդ 500 քարերը տաշող վարպետները. իսկ ո՞վքեր են մնացած հազարավոր քարերի անհայտ տաշողները, ի՞նչպես են նրանք վարձատրվել:

Անհրաժեշտ է նշել նաև որ, նշաններ կրող և չկրող քարերի դասավորման մեջ ոչ մի օրինաչափություն չի նկատվել և անհնար է ենթադրել, որ նշանագրված երկու քարեր կարող են սահման լինել նրանց միջի տարածության շնչանագրված քարերը ևս նույն վարպետի աշխատանքը համարելու համար. և այդ հենց այն պարզ պատճառով, որ հաջորդ նշան սգրված քարը բոլորովին այլ նշան ունի իր վրա: Սիսիանի հուշարձանի մեր նշած 296 նշանները բաղկացած են 39 խմբից, այսինքն՝ կրկնված են 39 տարբեր նշաններ տարբեր քանակներով և յուրաքանչյուր նշան անկանոն կերպով տեղադրված է շենքի ստորին շարքից մինչև ամենավերին՝ գմբեթի մասը:

Արդ, նկատի ունենալով մեր ասածներն այդ նշանների վերաբերյալ և հաշվի առնելով այն բոլորն ինչ ասվեց ժողովրդի կողմից ինչքով և անձամբ հուշարձանների կառուցմանը օժանդակելու վերաբերյալ, կարծում ենք, որ նման շենքերի վրա վարպետների նշան կրող քարերը պատկանում են վարձատրվի վարպետներին և դրանք իրոք նրանց վարձքի հաշվում են համար են գրվել, իսկ մնացածները, որ քանակով ավելի շատ են և նշաններ չունեն, մշակել են զանազան մարդիկ, անվարձ, որպես անձնուկան օժանդակություն շենքի կառուցմանը. այսպիսի զեպքում ուրեմն՝ պիտի ընդունել, որ դրանք միաժամանակ վարպետ, քարտառ մարդիկ էին, որոնք ոչ թե ինչքով, այլ անձնական աշխատանքով են իրենց լուծան ներդրել հուշարձանի կերտման գործին: Որ քարտառ և շինարար վարպետները իրենց անձնական աշխատանքով, անվարձ մասնակցել և օժանդակել են հուշարձանների կերտման գործին, ցույց է տալիս Հաղարձնի վանքում պահպանված հետևյալ արձանագրությունը.

Քրիստոս Աստուած ողորմեսցի Աբասաճարո քարահատնոյն, որ զտներոյս տեղս հատին:

Ժողովրդի մասնակցության պատկերը լրացնելու համար հիշատակենք նաև մեր արձանագրական նյութերում պահպանված այն հսկայական քանակի վավերագրերը, որոնք վերաբերում են վանքերին և եկեղեցիներին տրված մեծամեծ նվիրատվությունների՝ շարժական և անշարժ գույքով ու դրամով. դրանց մեջ թեև չի նշված նպատակը, սակայն պարզ է, որ այդ նվերների մի խոշոր մասը գործադրվում էր նոր հուշարձանների կառուցման և հենքի նորոգման նպատակներով:

\* \*  
\*

Հուշարձանների կերտման գործի մեջ ժողովրդի տարբեր խավերի և տարբեր ձևերի օժանդակության մասին մեք բերվածները միայն սակավաթիվ օրինակներ են շատ ավելի մեծ քանություն կազմող նման նյութերից: Սակայն պետք է հիշատակել, որ նման տեղեկություններ



մեր բոլոր հուշարձանների վրա շին պահպանվելու և գա միանգամայն հասկանալի է, ամեն դեպքում շինարարությանը մասնակցած անձանց անունները հիշատակելը ոչ պարտագիր էր և ոչ էլ հնարավոր. դրա գլխավոր պատճառն այն էր, որ հուշարձանի վրա այդպիսի ընդարձակ տեղեկություններ գրելը դժվար գործ էր, շատ հավանական է. որ ավելի մանրամասն տեղեկություններ այս ու այն հուշարձանի շինարարության մանրամասնությունների վերաբերյալ գրված կլինեին թղթի վրա առանձնակի կամ հատուկ մատյաններում, որոնց մեծ մասը դժբախտաբար մեզ չեն հասել:

Այս կարգի սակավաթիվ փաստաթղթերից մեզ հասած Սանահնի վանքի մատյանը «Քյոթուլը» և Տաթևի վանքի արխիվի մասին պատմագիր Ստեփաննոս Օրբելյանի վկայությունները, ինչպես նաև ավելի ուշ՝ հայ գաղթավայրերում պահպանված գրավոր հիշատակարանները՝ այն տեղերում կատարված շինարարություններին վերաբերող՝ հաստատում են մեր ասածները:

Շինարարական գործում հասարակական օժանդակության այս օգտակար տրադիցիան գարեբրի ընթացքում այնպես ուժեղ էր արմատացել, որ հայ ժողովրդի մեջ, որ երբ պատմական աղետների հետևանքով նա ստիպված եղավ մեծամեծ հատվածներով հեռանալ իր հայրենիքից և գաղթականի ցուպը ձեռքին ապաստան որոնել հեռավոր և օտար երկրներում, բոլոր այն տեղերում ևս ուր նա կարողանում էր համեմատաբար տեղական նստակյաց կյանք վարել՝ այդ արդեն արմատացած սովորություններ իր կենսական գերն էր խաղում գաղթական այդ հատվածի ինքնապաշտպանության և ազգային դեմքի պահպանության գործում: Երկար թափառումներից հետո Անիի և Շիրակի հոծ գաղթականների մի հատված գիմեց դեպի Ղրիմ թերակղզին. նրանց բնակվեցին «Ֆրանկ-հիսար» — Կաֆա քաղաքում, բայց քաղաքը հնարավորություն չունեի բուրդի տեղավորել պարիսպներից ներս, այդ պատճառով էլ նրա արևելյան կողմում, պարիսպներից դուրս, շինվում է հայկական մի մեծ և նոր թաղ: XIV դարում, թաթարների անվերջ հարձակումների սպառնալիքն ստիպում է Կաֆայի հայերին այդ թաղամասը պարսպափակել և շանտվացոց «Ֆրանկ հիսարը» ու նորաշեն «Հայոց բերդը», միանում են իրար և ստեղծվում է մեծ ու անառիկ ամրոց — քաղաք: Հետաքրքիրը մեզ համար այդ բերդի, «Հայոց բերդի», շինարարական մանրամասնություններն են, որն անհելով Կաֆայի (Յեդոգոսիա) Յայամաուերրի հիշատակարանից, մեջ են բերում ուսումնասիրողները. այսպես բժշկյանը գրում է՝

«Եւ առ դիւրութեան որոշեցին զայս շափ թուով քարինս առ իւրաքանչիւր իշխան ըստ մեծութեան վիճակին: Եւ ի սահմանի շինութեան իւրաքանչիւրոց եղին ի պարիսպս զիշատակարանս անուանց իւրեանց: Զայս սովորութիւն պահէին Քէֆէցի Հայք մինչև ցյետին ժամանակ:»

Այս նկարագրության մեջ երևան է զալիս բերդաշինության ասպարձում Անիի և Կարսի վերաբերյալ մեր նկարագրածների ճիշտ կրկնությունը, որն ապացույց է մի կողմից շինարարական սովորությունների ուժեղ արմատավորվածությունը մեր ժողովրդի մեջ և նրա գործադրմանը դարձրած հետո՝ անգամ գաղթավայրում մյուս կողմից՝ հաստատորեն կարելի է պնդել, որ եթե հիշատակարանի մեջ միայն իշխանների (իմա հարուստ վաճառականներ) անուններ են գրվել, ապա մենք դրա ետևում պիտի տեսնենք նաև հասարակ ժողովրդին, քանի որ պաշտպանության խնդրով այդ օտար միջավայրում շահագրգռված էր Կաֆայի ամրոցը բնակչությունը. և եթե հարուստները մեծ տեղամասեր են կառուցում և իրենց անունով կերում, ապա շրջվոր ժողովուրդը սնձամբ պիտի մասնակցեր ընդհանուր աշխատանքներին, նա իր հատուկ տեղամասը չէր կարող ունենալ, հետևաբար և չի հիշատակվել:

Շիրակի այդ նույն գաղթականության ուրիշ մասեր, ինչպես հայտնի է, հասան Լեհաստան և տեղավորվեցին նրա շատ քաղաքներում, այդ թվում նաև Կեմենիցում. որտեղ XV—XVI դարերում շինվել են մի քանի եկեղեցիներ: Այստեղի ս. Նիկողայոս եկեղեցու շինության հիշատակարանի մեջ գրված է.

«...և ժողովեցան միատեղ՝ համօրէն ժողովուրդ մեծ և փոքր, և սկսան շինել յուսալով այ օգնութե, որ էր սպկով խպիտակով — դրամով, որ իւր անձամբ.»

1 Բժշկեան Մ., Ժամանակագրություններ ի Լեհաստան, էջ 332—333, վեներտիկ, 1830: Համեմատիք նաև Ի. Շահագիզ, Նոր-Նախիջևանը և Նոր-Նախիջևանցիք, «Ազգագրական Հանդէս», VII—VIII, էջ 20:

որն ծրաներով, որն եզներով, որ իւր ուժով և կատարեցին...»<sup>1</sup>։

Նույն քաղաքի Աստվածածին եկեղեցու կառուցման հիշատակարանը հաղորդում է, որ հարյուրավոր մարդիկ են նպաստել շինութիւնը... «զի ոմանք զինչս ետուն. և ոմանք աշխատելն և ոմանք զորդորելն...»<sup>2</sup>։

Ըվ եթև ժողովուրդը ստեղծված դարավոր սովորութիւն շնորհիվ մասնակցել է պատմական հուշարձանների կերտման գործին, բնականաբար նույնպիսի եռանդով նա մասնակցել է նաև բնական ու պատմահասարակական աղետների հետևանքով ավերված հուշարձանների վերանորոգման գործին։

Հայ ժողովրդի պատմական անցյալը նույն անդրադարձումն է ունեցել նաև հուշարձանների կենսագրութիւն վրա. երբ ներխուժող թշնամիները ասպատակել են երկիրը և սրի, կոտորածի, գերեզմարութիւն ենթարկել ժողովրդին, միսթամանակ քանդել, այրել ու ավերել են նաև քաղաքներն ու գյուղերը և այդ տեղերում կանգնած հուշարձանները, գերեզմարելով ժողովրդին՝ նրա հետ տարել են նաև հուշարձաններում կուտակված ժողովրդի ստեղծագործած դրական և արվեստի շարժական կոթողները։ Այսպիսի սոսկալի աղետների աղետարշ նկարագրութիւնները հսկայական չէր են զրավել մեր մատենագիրների, ժամանակագիրների և հիշատակարանների մեջ։ Բայց ամեն անգամ, երբ անցել է ավերող հեղեղը և ժողովուրդն սկսել է վերաշինել ավերված երկիրը, կարկատել իր հայրենական օջախը, միջոցներ են հավաքել նաև գերեզմարութիւնից փրկանքի միջոցով վերագործնելու։ Նաև իր հարազատներին, իրան զուգընթաց ժողովուրդը ձեռնամուխ է եղել նաև կիսավեր հուշարձանների նորոգմանը և գերի տարված կուլտուր-պատմական ու գեղարվեստական արժեքների հետքերի մասին, նույնպես փրկագնի միջոցով, կարելի է համարձակ ասել, որ հուշարձանների կերտումը, նրանց խնամքն ու պահպանութիւնը նույն արժեքն են ունեցել, ինչ որ սեփական կյանքը ժողովրդի համար, և այդ սովորութիւնը հազարամյակների ղոյութիւնն ու կիրառումը այն աստիճան է արմատացել մեր ժողովրդի մեջ, որ ի վերջո վեր է ածվել ինքնապահպանութիւն բնագրի կարևոր մի ձևի։

Հայտնի է, որ Շիրակից մեկնած գաղթականութիւնն իր հետ զաղթավայրեր է տարել եկեղեցիների գեղարվեստորեն քանդակված դռներ, գրքակաշններ և այլ շարժական իրեր։ Բայց հատկապես զարմանալի է, որ երբ XVIII դարի վերջերին Ղրիմի հայերը տեղափոխվեցին Նոր-Նախիչևան, ոչ միայն այդ համեմատաբար թեթև իրերն իրենց հետ վերցրին, այլև արդեն Ղրիմում կերտված քաղմաթիվ ծանր խաչքարեր, Արվեստի և մշակույթի հուշարձանների նկատմամբ տածած այդ սիրո մեծութիւնը հասկանալու համար պիտի պատկերացնել տեղափոխութիւն միջոցների այն ժամանակվա իրավիճակները, գրեթե բոնի տեղահանութիւնը, մի ամբողջ տարի ճանապարհների թափառելը, ցրտից ու սովից քաղմաթիվ անտուն մարդկանց մահանալը, և շնայած այդ բոլոր դժվարութիւններին հազարավոր կիլոգրամ բաշ ունեցող այդ շքեղ խաչքարերը բերել հասցվել են Նոր-Նախիչևան և ամբացվել նորակառուց հուշարձաններում։

Մեր նպատակն էր ցույց տալ ժողովրդի գործուն մասնակցութիւնը մեր հուշարձանների՝ առավելապես ճարտարապետական և քարաշեն այն մեծ հուշարձանների կերտման գործին, որոնց կառուցումը կապված էր մեծամեծ միջոցների և աշխատանքի հետ։ Ըսկ հազարավոր մանր տիպի այլ հուշարձաններ, կոթողներ, խաչքարեր, որոնք զարդարում են Հայաստանի շենքերն ու հանդերը և շինված են սարբեր մարդկանց միայն անհատական ջանքերով, մենք նկատի չունենցանք, որովհետև ինքնին պարզ է, որ դրանց կերտման գործը մեծ միջոցներ չէր պահանջում և շինվել են ամենաբարձրագույն մարդկանց կողմից, եթև փորձելու լինենք կազմել միայն դրանց շինողների ցանկը՝ ապա այն կպարունակեր հազարավոր անուններ։

Մեր ժողովուրդը, պիտի ասենք միայն, ունեցել է անանձնահատուկ գեղարվեստական ճաշակ ու սեր զեպի քարակերտ հուշարձանները և անուհաման մեծ քանակութիւնով շինել է այլպիսիները իր դժնդակ պատմութիւն բնթացքում։

Անմիջապես պիտի ավելացնենք, սակայն, որ Հայ ժողովուրդը սիրել է ոճանդակութիւն և ցույց տվել արվեստի և մշակույթի բոլոր բնագավառների հուշարձանների կերտման գործին։

Թեև ներկա հոգիվածի նպատակից դուրս է այդ խնդիրներին անդրադառնալը, բայց կարևոր ենք համարում մեջ բերել մեր գրչագիր մատյանների ստեղծման գործի մի երկու օրինակ, հա-

<sup>1</sup> ԲՇՂԵԱՆ Մ. Ճանապարհորդութիւն, էջ 142.

<sup>2</sup> ԱՆՇ, էջ 148:

մեծատելու և ցույց տալու համար հայ ժողովրդի գեղարվեստական ու կուլտուրական ընդհանուր ոգին:

Տարոնից Գլաձոր (Վայոց ձոր) և գալիս ներսևսը և ուսանում է յոթ տարի. ցանկանում է ձեռք բերել աստվածաշունչ. ձեռագիր մատյանները խիստ թանկ էին, իսկ նա աղքատ մարդ էր. նա ստիպված վերադառնում է իր ծննդավայրը և հարազատների մեջ հանգանակություն կադմակերպում. Մլինհր տալիս է 210 սպիտակ, Լևոնը՝ 90 դրամ, Հովանը՝ 90, Քուրանը՝ 30, Գամուրը՝ 30, Մխիթարը 42, Մխիթար հյուսնը՝ 30, Վարդանը՝ 33, Հայրապետը՝ 36, Մարտիրոսը՝ 30, Քաչկանը՝ 30, Լուսինը ներկարարը՝ 30, Զարարը՝ 18, Ռամանոսն ու իր մայրը՝ 36, Ֆռանգ ելաթցին՝ 100, Անտոնը՝ 20, Ումեկն ու իր որդիները 40 դրամ, ընդամենը 1500 դրամ. հավաքելով գրչի հետ պայմանավորված այդ գումարը, նա սրբությունը պահում է այն, ճամփորդությունների ժամանակ վաճառելով իր փիլոնն ու հողաթափերը, վերջապես կարճես թե՛ նա սխիտի հասնել իր նպատակին, բայց գրիչ Դավիթն ապա՝ մարդ է լինում. պահանջում է հավելյալ 300 դրամ ևս. խեղճ ներսևսը ստիպված է լինում նորից ճամփորդել դեպի Գողթան և իր ծանոթ Լպիսկոպոս Զարարից խնդրել այդ հավելյալ 300 դրամը ևս, որով նա վերջապես կարողանում է տեր դառնալ գրական այդ հուշարձանին. հետագայում մատյանը ծաղկել է Քորոսը, իսկ Զլլպասան Զարգրանեցին և նրա հորեղբորորդի Տողանը ըստ իրենանց կարողությունների օգնեցին: Որով՝ սրայց խարճն. որ Եղև այս աստուածաշունչ գրոցս՝ ընկ ամենայն միահամուռ ԲՆԻԲԸ (2200) դրամ է՝:

Բերենք մի երկրորդ, ավելի ցայտուն օրինակ ևս. նույն XIV դարում ձեռնարկվում է Երևանցի գրիչ Նատերին է հանձնարարվում արտադրելու մի ճառերնոիր, գործին մասնակցում են 70-ից ավելի մարդ, որոնցից յուրաքանչյուրն իր գրել աված մասի տակ նշել է նաև իր հիշատակարանը՝ որպես ստացող՝ բայց հետաքրքիրն այդ մարդկանց սոցիալական դիրքի պատկերն է, որը պարզ երևում է մեջ բերվող համառոտ ցանկից.

Պարոնշահ, ժերունի կոշկակար.	Ստեփաննոս ժամկոչ
Կարապետ բազազ	Ստեփաննոս հյուսն
Քորոս ջուլհակ	Եղիսարեթ կին
Սարգիս բազազ	Սաթի դերձակ
Ուտումպէկ ոսկերիչ	Լկրտիչ ժամկոչ
Ուտումպիկ ոսկերիչ	Ավրան կտավագործ
Գորգ ներկարար և ի. կին Գոհարը	Լկրտիչ դանակագործ
Սարգիս դանկարար	Քավտա բազազ
Մարգարե ջուլհակ և իր Եղբայրը	Հեթում դարբին
Ավետիք ջուլհակ	Աղբարշահ գինեծախ
Ամպետ կտավագործ	Գրիգորես եգեպան (այգեպան)
Կիրակոս ճոն	Պարոնշահ սանդրագործ
Բարեկ ոսկերիչ	Հովհաննես կտավագործ
Մարգարե քթանգործ	Տուրքի Լգեպան
Ուստիանէ, կին ոմն	Կարապետ Երկայն, ջուլհակ
Վարդերես ջուլհակ	Սոփիա կին. որը ծածկոց է նվիրում գրքի համար.

Գրից բացի, մատյանի ստեղծման գործի վրա աշխատում է նաև նրա կրտսեր որդի Գրիգորը, որը թուղթն է կոկում<sup>2</sup>:

Մեր սրբանշիխ ձեռագիր մատյաններն ստեղծելու այս հավաքական ջանքի օրինակները մենք բերեցինք ցույց տալու համար, որ մեր ժողովուրդը ամենայն գործունեությունն է ցուցաբերել անցյալի կուլտուրայի բոլոր անսակի հուշարձանների կերտման և ստեղծման բնագավառում, մյուս կողմից՝ նշելու, որ ԼԹԵ մեր քարաշեն կոթողների վրա այդ կարգի մանրամասն սեղեկությունները բացակայում են, ապա զա բարև նյութի վրա գրելու դժվարության ու սեղի սղություն հետևանք է միայն:

<sup>1</sup> Լ. Ս. Խաչիկյան, Ժ՛ Կարի հայերեն ձեռագրերի հիշատակարաններ, էջ 245 — 246, Երևան, 1950:

<sup>2</sup> Նույն տեղում, 359—367: